

有部毗柰耶

第四十一

三百九
詠一

49946



元祿九年丙子二月日重脩

皇國

帝

佛日增輝

轉

山城州天安寺法金剛院置

根本說一切有部毗奈耶卷第四十一 誅

三藏法師義淨奉 制譯

恐怖苾芻學處第六十六



爾時薄伽梵在室羅代城逝多林給孤獨園
時具壽大目乾連度十七眾出家并受近圓
已此十七人便與六眾而為共住於六眾邊
受學法義自相謂曰我等無知不閑經典常
被六眾之所輕忽宜各策勵勤為習
誦六眾
知已時鄔陀夷便於初夜彼誦習時即反被
毛綖作可畏聲云藥叉來欲害於汝共相恐
怖時十七眾各大驚惶復於他日其十七人
恨相恐懼即便共打鄔陀夷幾將命斷以油

塗身委頓而卧苾芻見已問言何故答曰我
為少許戲笑之事致斯困辱以緣具告少欲
苾芻聞是說已共生嫌賤云何苾芻怖他苾
芻令生不樂諸苾芻以緣白佛佛言乃至我
觀十利為諸苾芻制其學處應如是說

若復苾芻若自恐怖若教人恐怖他苾芻下

詠 有部毗奈耶卷四十一

至戲笑者波逸底迦

若復苾芻者謂鄔陀夷餘義如上他苾芻者
謂此法中人此中犯相其事云何若苾芻為
恐怖他意便作種種可畏形狀所謂諸雜色
類如燒扒樹或復作諸鬼神等像云來食汝
類汝命隨根彼苾芻怖與不怖而此苾芻得

波逸底迦罪若必芻作恐怖他意便作種種
可畏諸聲所謂師子虎豹及諸鬼神等聲云
來食汝餘並同前若必芻作恐怖他意便作
種種可畏諸氣所謂大小便氣或鬼神等氣
云此諸物欲來害汝餘並同前若必芻作恐
怖他意作不可意觸所謂麈鞭席蓐及諸鬼
神惡觸之事云來害汝餘並同前若必芻作
恐怖他意便作種種可愛之色所謂國王大
臣長者居士天神等像云此來害汝隨彼必
芻怖與不怖得惡作罪若作可愛聲所謂琵琶
笙笛天龍等聲云此諸聲欲來害汝若作
可愛氣所謂拊擅沉水龍腦鬱金天龍等氣

欲來害汝若作可愛觸謂繒絲細氎等上妙
諸觸及天龍等觸云此諸觸欲來害汝隨彼
苾芻怖與不怖皆得惡作罪若欲令前人生
厭離心為說捺浴迦傍生餓鬼人天諸趣所
有苦樂之事令發怖心者此皆無犯又無犯
者謂最初犯人廣說如上

誅 有部毗奈耶卷中
藏他苾芻等衣鉢學處第六十七

二

佛在室羅伐城逝多林給孤獨園時有長者
請佛及僧就舍而食諸苾芻赴請世尊不去
六衆苾芻與十七衆在後徐行至一池所六
衆即便告十七衆曰具壽未湏急去且共入
池徐徐澡浴既入池已告十七衆曰共汝俱

沒誰後出頭十七衆既沒六衆即便疾出取
彼衣裳藏草叢下急行而去十七衆良久方
始出頭四顧瞻望不見衣服各處而任時尊
者舍利子及大目軋連人間遊行迴至於此
諸人遙見知其師白言鄔波駄耶我等俱
被六衆藏置衣裳無緣得往俗家受供我等
今者知欲云何時大目連即為觀察見其衣
服藏草叢下遂取衣裳與十七衆彼暑衣已
往赴請處既到坐次令苾芻起苾芻恠問何
故後來共相紛擾十七衆答諸人曰大德我
向無鄔波駄耶者我等悉皆絕食終日問言
何故即以事具答少欲苾芻聞生嫌恥云何

苾芻藏化衣服共相惱亂時諸苾芻還至寺
內以緣白佛佛言乃至我觀十利為諸苾芻
制其學處應如是說

若復苾芻知是苾芻苾芻尼若正學女求寂
求寂女衣鉢及餘資具若自藏若教人藏者

波逸底迦如是世尊為諸苾芻制學處已時

評 有部毗奈耶卷中一

有苾芻寄餘苾芻衣苾芻但藏自衣不藏他

三

衣時有賊至盜他衣去苾芻因此衣服廢闕

佛言除時因緣藏者無犯前是創制此是隨

開應如是說

若復苾芻自藏苾芻苾芻尼若正學女求寂

求寂女衣鉢及餘資具若教人藏除餘緣故

波逸底迦若復苾芻者謂是六衆餘義如上
苾芻等五衆並此法中人衣有七種腰條有
三及所餘文並如上說此中犯相其事云何
若苾芻自藏他苾芻等衣鉢資具若教人藏
咸得墮罪除餘緣故者謂八難等並皆無犯
又無犯者謂初犯人廣如上說

受他寄衣不問主輒著學處第六十八

佛在室羅伐城逝多林給孤獨園時鄔陀夷
斫諸煩惱或證阿羅漢已廣說如餘難陀鄔
波難陀依衆而住時鄔波難陀年衰朽老弟
子門人無承事者衣裳垢膩欲為浣潔持與
弟子告言此衣我無所用與汝將去時彼弟

子心貧衣故即取浣滌捺理訖分時世尊欲
往人間遊行弟子即便持所浣衣寄親教師
隨佛而去鄔波難陀後取其衣著用垢膩舉
之舊處如是乃至世尊還來時有施主請佛
及僧就舍而食時鄔波難陀弟子作如是念
我今宜取新浣滌衣俗舍而食開袋見衣悉
皆垢膩不堪被服便著隨宜破弊之衣四往赴
請處餘苾芻問何意著此垢衣而來受供即
以事白少欲苾芻聞生嫌耻云何苾芻受他
寄衣不問輒著以緣白佛佛言乃至我觀十
利為諸苾芻制其學處應如是說
若復苾芻受他寄衣後時不問主輒自著用

誅

有部毗奈耶卷四十一

者波逸底迦若復苾芻者謂鄔波難陀餘義
如上不問主者謂隨自意不從借著此中犯
相其事云何若苾芻受他寄衣不問而用者
結罪同前若是得意相知或是聞用歡喜雖
復不問著用無犯又無犯者謂初犯人廣說
如上

以衆教罪誇清淨苾芻學處第六十九

佛在王舍城羯蘭鐸迦池竹林園中時具壽
實力子住鷲峯山於積石池邊經行遊履時
暕鉢羅苾芻尼遙見尊者來申禮敬彼苾芻
尼剃髮未久低頭禮拜欲起之時頭戴實力
子大衣而起乃至友地二苾芻見斯事已遂

還住處告諸苾芻曰諸具壽欲令我等於何
人處生信仰心而我自見實力子共盟鉢羅
苾芻尼身相摩觸廣說其事時諸苾芻聞已
白佛佛告諸苾芻汝等善當究問彼二苾芻
何所見云何見以何事故汝等往彼見身相
觸時諸苾芻奉佛教已問彼二人所見虛實
誅有部毗奈耶卷第一彼二苾芻言謂具壽我等實不見實力子與盟
鉢羅尼身相摩觸但見禮拜以頭舉衣我有
瞋恨忿心故作是說少欲苾芻聞是語已共
生嫌耻云何苾芻於清淨無犯之人以無根
僧伽伐尸沙法謗即以緣白佛佛言乃至我
觀十利為諸苾芻制其學處應如是說

若復苾芻瞋恚故知彼苾芻清淨無犯以無
根僧伽伐尸沙法誇者波逸底迦
若復苾芻者謂友地二人餘義如上瞋恚者
謂懷忿恨清淨苾芻者謂實力子無根者謂
無三根見聞疑事餘如上說此中犯相其事
云何謂知清淨人以無根法誇十事成犯五
事無犯云何為十謂不見其事不聞不疑便
作如是虛誑解想實無見等妄言我有見聞
疑作是說時得波逸底迦或聞而忘或疑而
忘作如是解作如是想而云我聞疑不忘作
是說時得波逸底迦或聞而信或聞不信而
言我見或聞而疑或聞不疑或但自疑而云

我見作是說時得波逸底迦是謂十事成犯
云何五事無犯謂彼不見不聞不疑有見等
解有見等想作如是語我見聞疑者無犯或
聞而忘或疑而忘有聞疑想而言聞等亦無
有犯如誇清淨人時十事成犯五事無犯若
誇清淨似不清淨人亦獲如是若誇不清淨
人評十一有部毗奈耶卷四事成犯六事無犯云何十一六謂不見
不聞不疑作如是解作如是想實無見等妄
言我有見聞疑作如是說時得波逸底迦或
見而忘或聞而忘或疑而忘作如是解作如
是想而云見聞疑不妄作如是說時得波逸
底迦或聞而信或聞不信而言我見或聞而

疑或聞不疑或但自疑而云我見作是說時
得波逸底迦是謂十一事成犯云何六事無
犯謂彼不見不聞不疑有見等解有見等想
作如是說我有聞疑者無犯或見而忘或聞
而忘或疑而忘有見等解有見等想而言見
聞等亦皆無犯是謂六事無犯又無犯者謂
初犯人廣說如上

與女人同道行學處第七十

佛在王舍城羯蘭鐸迦池竹林園中時此城
中有一織師稟性麁獷難為共住諸餘織師
知其性惡不共婚娶便往室羅代城娶織師
女為妻將歸故里住王城中常加苦楚鎮無

樂意時彼鄰家有一老母其女詣之告云何
母我遠嫁此得惡夫婿恒加杖楚無有樂心
我欲逃走其事如何母默無對其女出外見
有苾芻往室羅伐即與相隨尋路而去是時
織師尋蹤急遂見一苾芻兵婦隨路織師遙
見待至一村喚諸相識共打苾芻幾將至死
詠 有部毗奈耶卷四十一
少得蘇息漸至室羅伐城苾芻見問行李安
樂不答言寧有安樂遂問其故具答所由諸
苾芻曰汝合與女人更無男子隨路行耶報
云只由不合遭斯厄難少欲苾芻聞生譏恥
云何苾芻與無男子女人隨路而去以緣白
佛佛言乃至我觀十利為諸苾芻制其學處

應如是說

若復忘留共女人同道行更無男子乃至一村間者波逸底迦若復忘留者謂此法中其餘義如上女人者謂堪行姪境更無男子者但有二人道謂曠遠路此中犯相其事云何若忘留獨與女人於迥遠路相隨而去者得波逸底迦若一村間有一拘盧舍如是至七若未滿拘盧舍皆得惡作若滿皆得墮罪或從村至野或從野至村里數得罪與上相似若於其處他遣女人為引導者無犯或時忘留迷於道路女人來為指授者此亦無犯又無犯者謂初犯人廣說如上

第八攝頌曰

賊徒年未滿 掘地請違教 竊聽默然去

不敬酒非時

與賊同行學處第七十一

佛在室羅伐城逝多林給孤獨園有一苾芻

於王舍城竹林中住為夏安居時彼苾芻夏

了詠作衣竟欲往室羅伐城禮世尊足出求商

旅時有商人欲向室羅伐城此之商人是偷

稅者苾芻不知共相隨去欲至稅所便取餘

路偷道而行時被稅官伺知偷路遂便捉獲

俱縛將來知苾芻無過即便放去既得脫已

漸至給園諸苾芻見問言善來行李安樂不

答言何有安樂問言何故具以事答諸苾芻
問言具壽豈合與賊相隨而行答曰只由不
合見斯艱苦少欲苾芻聞生嫌耻云何苾芻
與賊同道行以緣白佛佛言乃至我觀十利
為諸苾芻制其學處應如是說

若復苾芻與賊高旅共同道行乃至一村間
者波逸底迦若復苾芻者謂此法中人與賊
者謂破壞村坊及偷關稅同道行者謂迴遠
處共為伴侶乃至一村間得波逸底迦此中
犯相其事云何若苾芻與賊同行者得波逸
底迦若一村間有一拘盧舍乃至七村廣說
如上皆得隨罪若以賊為防援引導人者同

行無犯或迷失道彼來指示者雖同道去此亦無犯又無犯者謂初犯人廣說如上

與減年者受近圓學處第七十二

佛在室羅伐城逝多林給孤獨園時大目軋

連與十七衆出家受近圓時諸童子既近圓

已通夜不食而至天明飢火所燒身形羸瘦

詠

有部毗奈耶卷四十一

九

遂便啼泣今時世尊聞邊房中有小童子啼

泣聲告阿難陀曰邊房之內何意有童子啼

泣聲時阿難陀白言世尊是十七衆出家近

圓無非時食忍飢不堪因此啼泣世尊告曰

豈諸苾芻與減年者而受近圓成苾芻性耶

白言世尊與受近圓佛告阿難陀若人未滿

二十不能忍受寒熱飢渴乃至巡家乞食皆
並不能以此緣故乃至我觀十利為諸苾芻
制其學處應如是說

若復苾芻知年未滿二十與受近圓成苾芻
性者波逸底迦此非近圓諸苾芻得罪

若復苾芻者謂此法中人餘義如上未滿二
十者謂減年人不堪進具言成苾芻性者雖
以白四羯磨法受而不成苾芻此非近圓諸
苾芻得罪者謂除本師所餘諸人皆得惡作
罪此中犯相其事云何

若人年未滿二十作未滿想欲受近圓諸苾
芻問言汝滿二十未答言未滿若苾芻與受

近圓者此人元不得戒本師犯墮罪餘人得
惡作若餘人共住同受用者亦皆惡作

若人未滿二十作未滿想欲受近圓諸苾芻
問言汝滿二十未答言我自憶知心無疑惑
未滿二十諸苾芻與受近圓此人不得戒得
罪同前若人年未滿二十作年滿想欲受近
圓諸苾芻問言汝滿二十未答言我自憶知
心無疑惑諸苾芻與受近圓此人得戒成苾芻性本師
無犯餘人亦無犯

若人年未滿二十作年滿想欲受近圓諸苾
芻問言汝滿二十未答言我自憶知心無疑
惑年滿二十諸苾芻與受近圓此人得戒成

誅

有部毗耶卷四十一

十

苾芻性本師無犯餘人亦無犯

若人未滿二十然不自知心無疑惑欲受近
圓諸苾芻亦不曾問設有問時亦不誦答然
諸苾芻與受近圓此人得戒成苾芻性本師
有犯餘人亦有犯共住等無犯

若人滿二十作不滿想欲受近圓諸苾芻問
言汝滿二十未答言未滿時諸苾芻與受近
圓此人得戒成苾芻性本師及衆並皆有犯
共住等無犯

若人年滿二十作不滿想欲受近圓諸苾芻
問言汝年滿二十未答言我自憶知心無疑
惑未滿二十諸苾芻與受近圓此人得戒本

師有犯餘人亦有犯共住等無犯

若人年滿二十作滿二十想欲受近圓諸苾

芻問言汝年滿二十未答言滿二十諸苾芻

與受近圓此人得戒本師及衆並皆無犯若

人年滿二十作滿二十想欲受近圓諸苾芻

問言汝滿二十未答言我自憶知心無疑惑

年滿二十諸苾芻與受近圓此人得戒諸苾

芻無犯

若人年滿二十然不自知心無疑惑欲受近

圓諸苾芻不問設問被獲不答諸苾芻與受

近圓此人得戒諸苾芻有犯共住等無犯同

前廣說此中初二非受近圓若與善苾芻同

詠有部毗奈耶卷四十一

十一

在一處若二若三為褻灑陀是賊住故此應
減擯若人年未滿二十作滿二十想此成近
圓有親屬來問言此人年未滿二十誰與受
具者應與此人計胎中月及閏月若滿者善
若不滿者退為求寂更與受戒若不退為求
寂亦更受戒者與善苾芻同在一處若二若
三為褻灑陀是賊住故此應減擯若人年十
九而與近圓若未經一歲便自憶知未滿二
十應計胎中月及閏月若滿者善若不滿者
應退為求寂更與近圓若不介者與善苾芻
同在一處若二若三為褻灑陀此應減擯若
經一歲而憶知者名善受近圓汝諸苾芻若

人於善說法律出家近圓成苾芻性難值遇
故若人年十八而與近圓若未一歲憶未滿
者應退為求寂更與近圓若不介者與善苾
芻同在一處若二若三為褒灑陀此應減擯
若經一歲憶未滿者計胎中月及閏月滿者
善若不滿者應移其處更與近圓若不介者
評何前減擯若經二歲方憶者此即名為善受
有部毗奈耶卷四十一
近圓廣說如上聖教難遇故若人未滿二十
而有疑心此應為作憶念計其年月實滿不
滿除去疑情若未滿者應以胎閏而為計之
若滿者善若不滿者廣說如前若人年滿二
十作不滿想希求具戒與受近圓名為善受

若人年滿二十作年滿想希求具戒受近圓
名為善受又無犯者謂初犯人或癡狂心亂
痛惱所纏

壞生地學處第七十三

佛在室羅伐城逝多林給孤獨園時六衆及
芻自手掘地或教人掘或造堤防或損蟻封
等諸外道見皆共譏嫌云何出家及芻作諸
俗務掘地害命情無悲愍少欲及芻聞已白
佛佛集及芻以種種方便讚歎持戒少欲知
足訶責多欲作無益事廣說乃至我觀十利
為諸及芻制其學處應如是說

若復及芻自手掘地若教人掘者波逸底迦

若復苾芻者謂是六衆餘義如上自他同前
地者有其二種謂生地非生地云何生地謂
性是生地或因發掘於三月中經天大雨是
名生地若無雨者經六月後方名為生釋罪
如上此中犯相其事云何

攝頌曰

詠有部毗奈耶卷四十一

生想舉地皮

釘橛并畫地

牛糞崩河岸

泥牆濕性連

畫壁青衣損

沙石土相和

吉辰無淨人

打杙深四指

若苾芻掘損生地得波逸底迦若非生地者
得惡作罪若苾芻舉地皮時若與地性相連
者波逸底迦若不相連者得惡作罪若苾芻

釘擬者波逸底迦若拔擬者得惡作羅若苾
芻輒畫地者得惡作罪若輕為記數者無犯
若苾芻牛糞著地而發起者得惡作罪若但
取牛糞者無犯若苾芻崩河岸時損生地者
波逸底迦若有墾裂而崩墮者得惡作罪若
苾芻搖動河池中泥者得惡作罪若泥在泥
處而擎起者得惡作罪若牆上釘柱者波逸
底迦若牛糞著牆發舉者得惡作罪若摧牆
壁與濕性相連者得波逸底迦若有墾裂者
得惡作罪若畫壁得惡作罪若作記數想者
無犯若牆上生青衣損動者得惡作罪若掘
石地石少土多者得波逸底迦罪若土少者

得惡作罪若純石者無犯若掘沙地沙少土
多者得波逸底迦若沙多者得惡作若純沙
者無犯若營作必芻欲定基時得好星候吉
辰無有淨人應自以擲釘地欲記疆界深四
指者無犯又無犯者謂初犯人如上

過四月素食學處第七十四

詠有部毗奈耶卷四十一

佛於釋迦處人間遊行漸至劫比羅漢在



根樹園時釋迦大名知佛來至便往佛前頂
禮佛足在一面坐佛為說法示教利喜即從

座起合掌向佛白言世尊願佛及僧慈悲哀
愍受我三月飲食供養并及一切所須之物
世尊默然而受見佛受已從座而去既至宅

中告家人曰我請佛僧三月供養汝等當辦
勿令有闕時六衆苾芻聞是事已便作是念
我等云何於三月中噉好飲食常得消化身
輕安隱無病苦耶即往醫人處問其方藥醫
人告曰先食油膩後當痢下雖多食噉而能
消化時鄔波羅陀聞斯語已皆如醫教於三
月中常噉好食三月既了尚從廚人處美
食謂肉羹等從索不得時彼廚人往報大名
施主時彼聞已便起譏嫌少欲苾芻聞是語
已極生嫌恥云何苾芻受他請了非分強索
以緣白佛佛言汝等勿復從他施主強為乞
索因生忿惱汝等當聽乃往過去於靜林中

在大池側有一仙人跏趺而坐繫念思惟時
有龍子從池中出以身繞仙為遮寒苦并復
報云仁何所須如是日日常以身繞時彼仙
人由斯惱故遂嬰疾病懷憂而住有餘仙人
來至其所問言何故身體衰羸頓至如是以
事具答彼仙告曰龍子若來頂有明珠應可
從乞詠 有部毗奈耶卷四十一彼惜珠故不復更來仙人聞已十五被龍
來即從乞珠慙懃不已龍遂遠去說伽他曰
飲食及衣服 皆由珠所致 仁雖強乞求
我實不能與 汝從我乞珠 出言如利劍
亦如火石塵 從今更不來
汝諸苾芻彼乞龍子是傍生類聞強乞求因

即遠去何況於人是故汝等不應從他強為
乞覓復次汝應更聽於往昔時有一仙人於
大林中修習靜慮時此林中多諸飛鳥鳴聲
誼聒令彼仙人心不能定有餘仙人來至其
所見不得定問言何故不定即以事答彼仙
告曰仁今可於夜中燃火炬火於彼林木作
如是語汝等可與我翼并與我卵及小鳥兒
以充食用時彼諸鳥聞是語已銜卵將兒移
向諸處汝諸苾芻彼是鳥類聞強乞時尚皆
遠去況復於人介時世尊廣引譬喻種種訶
責已告諸苾芻乃至我觀十利為諸苾芻制
其學處應如是說

若復苾芻有四月請須時應受若過受者波
逸底迦如是世尊制學處已漸次遊行至王
舍城住竹林園中至坐夏時影勝大王請佛
及僧三月供養時具壽畢鄰陀跋蹉姊夫復
請供養畢隣陀跋蹉遂便白佛佛言今我隨
闍若別別請者苾芻應受無犯復有客苾芻
來作誦如是念我不被王請遂行乞食十六王因見
之問言我請衆僧何因乞食答言我不受請
王曰諸有苾芻我便請之以事白佛佛言若
更請者苾芻應受時諸苾芻作如是念王務
繁多或容廢忘我行乞食王復遙見我已更
請何意乞食苾芻告曰王法事繁或容廢忘

王曰我更慙懃重請願受我食以事白佛佛
言若慙懃重請當可受之時影勝王請佛僧
食時既滿已巡行乞食王復遙見何因聖者
仍行乞食白言王請食了是以行乞王曰我
今常請時諸苾芻以事白佛佛言若常請者
苾芻應受尔時世尊讚歎持戒少欲呵責多
欲告諸苾芻曰前是創制此是隨開為諸弟
子重制字處應如是說

若復苾芻有四月請須時應受若過受者除
餘時波逸底迦餘時者謂別請更請慙懃請
常請此是時若苾芻者謂鄔波難陀四月者
謂齊四月請者謂他延請受者謂許其事若

過者謂過期限除餘時者謂別請時即是不
及餘人更請謂數數更請慇懃請者謂更慇
懃盡心而請常請者謂是長時延請此是時
者謂隨閑時釋罪如上此中犯相其事云何
若必芻他請麁食從索美好索時惡作食便
墮罪若他與好食從索麁者索時惡作食時
無犯詠有部毗奈耶卷四十一如與乳等時便從索酪等索時十七惡作食
時墮罪若病者無犯若必芻巡家乞食女人
見已持食而出若必芻情有所希者應告彼
女曰更不須飯若女返問聖者更何所須者
此即是請隨所須者當就覓之無犯又無犯
者謂初犯人廣說如上

遮傳教學處第七十五

佛在王舍城羯闍鐸迦池竹林園中世尊法
尔若制二部共學處時即二部僧伽並皆須
集此之學處是二部共有然尼衆不集佛告
具壽阿難陀汝可語朱奈半託迦汝當持此
學處詣苾芻尼衆而為宣告時阿難陀即往
朱奈半託迦所具陳佛語時朱奈半託迦奉
佛教已便往尼寺欲宣佛教於其中路見六
衆苾芻便告之曰具壽佛為二部僧伽令制
學處六衆問曰是何學處即為陳說若復苾
芻有四月請須時應受若過受者除餘時波
逸底迦若有別請更請慇懃請者常請者此

是時既為說已報六衆曰具壽此之學處應
當修學六衆報曰汝是愚癡不分明不善好
我今豈能用汝之言行斯學處我若見餘苾
芻善閑三藏者當隨彼言受行學處作是罵
已遂便捨去時半託迦又至十二衆苾芻尼
處彼亦如是作非法言餘衆苾芻苾芻尼聞
已歡喜頂受奉行時半託迦還住處已即以
此事白諸苾芻時少欲者聞是語已以緣白
佛佛言乃至我觀十利為諸苾芻制其學處
應如是說

誦 有部毗奈耶卷四十一

十八

習如是學處彼作是語我實不能用汝愚癡

若復苾芻聞諸苾芻作如是語具壽仁今當

不分明不善解者所說之言受行學處我若
見餘善閑三藏當隨彼言而受行者波逸底
迦若彼苾芻實欲求解者當問三藏此是時
若復苾芻者謂六衆也餘義如上具壽仁今
當習如是學處者謂是所傳學處不能用汝
愚癡等者謂思其惡思說其惡說作其惡作
名之為愚若不持經律論名之為癡若於三
藏不了其義名不分明若於三藏不善決擇
名不善解餘文易知乃至釋罪皆如上說此
中犯相其事云何若有苾芻餘苾芻作如是
語具壽仁可習行如是學處彼便報云我不
能用汝語便以愚等四事一一說時皆得墮

罪若彼前人是實愚等說時無犯又無犯者
謂初犯人廣說如上

默聽闍諱學處第七十六

佛在室羅伐城逝多林給孤獨園時鄔陀夷

斬衆結惑證阿羅漢具壽闍陀向憍閃毗省

緣而坐阿說迦諫補捺伐素俱並命終難陀鄔

波難陀有部毗奈耶卷四十一依大衆住時十七衆見是事已各生十九

勇決報怨之心共作是議於六衆內極相欺

惱者鄔波難陀常為初首我等應與作捨置

羯磨便向食堂所共為籌議時鄔波難陀詣

其窓所側耳而聽聞彼議論即入堂中苦為

刺責作如是語我必當為汝等作大治罰汝

等豈可不聞古仙頌曰

譬如絆象皮繩朽 風吹日曝已多時

雖復無力可如初 五百群羊尚可縛

時十七衆知鄔波難陀覺其事已便出兵詣
温堂之所評論其事欲為捨置時鄔陀夷復
於屏處聽其言說便入堂中更為害語時彼
十七便作上閣鄔波難陀住在中閣彼在中
閣鄔波難陀住在閣下彼在房內鄔波難陀
遂居簷下或復翻此彼在門屋下鄔波難陀
即在門隅或時翻此時十七衆共作是議我
等不能為彼老人作捨置羯磨唐捐辛苦宜
就其所共作懺摩便至其所請見容恕既媿

謝已問言大德因何得知我等欲為大德作
其捨置彼便一一具答其事汝所至處我隨
後聽少欲苾芻聞是語已共生嫌耻云何苾
芻知他苾芻有闕諱事共作評論而便竊往
側聽其語作如是念隨彼籌議我當發舉時
諸苾芻以緣白佛佛言乃至我觀十利為諸

苾芻

制其学

處應

如是說

誦

有部毗奈耶卷四十一

二十

若復苾芻知餘苾芻評論事生求過紛擾諱
競而住默然往彼聽其所說作如是念我欲
聽已當令闐亂以此為緣者波逸底迦

若復苾芻謂鄒波難陀餘義如上餘苾芻者
謂此法中人言評論事者謂初見不可意事

始作評論言求過者謂求覓過愆更相道說
紛擾者謂情不舍忍發舉其事諱竟者以此
諱事入闔諱門自結朋黨共相扶扇闔諱而
住默而聽者謂竊聽其言隨彼所說闔亂者
欲令紛竟不止息也釋罪如上此中犯相其
事云何若必芻在於上闔共為議論有餘必
芻所闔之時應踏階道作聲或警欵或彈指
若不作如是事所闔之時但聞言聲未解其
義得惡作罪若解言義便得墮罪廣說如前
乃至門屋輕重之罪隨事應知若經行處若
靜林中亦准事應識若有必芻隨路行時共
為籌議必芻後來所有行法皆准所闔應知

若不作者得罪輕重如上若必芻先無讎隙
遇介聞之或復聽已欲令闔第方便殄息者
無犯又無犯謂初犯人廣說如上

根本說一切有部毗奈耶卷第四十一 詠

策勵上楚責反毛綖下土反幾將上渠反机吾骨反

繒絲有部毗奈耶卷四十一捺洛上奴反盜字鉢漂染上音早馱上正

耶上唐反紛擾二字音遠劓制上昌反腰條下音沆

應伴反撩理上音寮鐸徒各反盟鉢上骨反低頭上字

鹿猛下俱反迥携若反掘地上其反伺相寺反防授下音

院羸瘦上垂反訓答上音酬褒灑下所馬反擯音鬢

堤防上音下釘擲上其月反下下音鄔陀上音杙上音

翼音豐及無運裂上音痕音坑及戶江疆界上音嬰及一盈

壓音跋下上蹉下七何及反闡陀上昌僑閃下失絆

半音日暴下蒲木及反或作及評論二字平聲屏處音上

餅簷音門隅下音唐捐下音過憊下去陟音

踏音警音款上音頂及反齏上音醜下二殄

息上徒說與板部既奈耶卷四十一

山城國綴喜郡薪村

靈瑞山酬恩卷沙門宗桂書寫之

